

BOSNA I HERCEGOVINA  
Federacija Bosne i Hercegovine  
Tuzlanski kanton  
GRAD GRAČANICA  
GRADSKO VIJEĆE

Broj predmeta:  
Broj akta:  
Gračanica, \_\_. \_\_. 2024. godine

Na osnovu člana 8. stav (6) Uredbe o načinu i kriterijima za pripremu, izradu i praćenje realizacije programa javnih investicija („Službene novine Federacije Bosne i Hercegovine“, broj: 106/14, 27/19, 104/22, 17/24), člana 16. Statuta Grada Gračanica („Službeni glasnik Grada Gračanica“, broj: 01/23) i člana 89. Poslovnika Gradskog vijeća Grada Gračanica („Službeni glasnik Općine Gračanica“, broj: 06/14 i 7/18 i „Službeni glasnik Grada Gračanica“, broj: 03/20 i 01/21), Gradsko vijeće Gračanica na sjednici održanoj dana \_\_. \_\_. 2024. godine, d o n o s i

**ODLUKU**  
o kandidovanju projektnih ideja i projekata  
u Program javnih investicija Federacije BiH 2025.-2027.

**I**

U Program javnih investicija Federacije Bosne i Hercegovine 2025.-2027. godine, kandiduju se sljedeće:

projektne ideje:

1. Deminiranje kontaminiranog područja grada Gračanica,
2. Izrada Glavnog projekta kanalizacione mreže za područje grada Gračanica,
3. Toplifikacija grada Gračanica III faza i
4. Regulacija korita rijeke Sokoluše most Etivaža – Propust M4 (u industrijskoj zoni)

projekti:

5. Sanacija deponije komunalnog otpada Grada Gračanica (II faza),
6. Čišćenje korita i povećanje proticajnog profila rijeke Spreče,
7. Regulacija rijeke Spreče dionica uzvodno od ušća rijeke Sokoluše u rijeku Spreču do mosta za Kakmuž,
8. Restauracija i konzervacija na gradini „Stari grad Soko“ u Sokolu,

**II**

Odluka stupa na snagu danom objavljivanja u „Službenom glasniku Grada Gračanica“.

PREDSJEDAVAJUĆI  
GRADSKOG VIJEĆA  
Mirzet Topčagić

## Obrazloženje

### Pravni osnov za donošenje

Pravni osnov za donošenje ove odluke sadržan je u članu 8. stav (6) Uredbe o načinu i kriterijima za pripremu, izradu i praćenje realizacije programa javnih investicija („Službene novine Federacije Bosne i Hercegovine“, broj: 106/14, 27/19, 104/22, 17/24), kojim je propisano da Gradsko vijeće odlučuje koji projekti se kandiduju u Program javnih investicija Federacije.

Odredbom člana 16. Statuta Grada Gračanica („Službeni glasnik Grada Gračanica“, broj: 01/23) Gradsko vijeće u okviru svoje nadležnosti između ostalog obavlja druge poslove utvrđene zakonom i statutom, a odredbom člana 89. Poslovnika Gradskog vijeća Grada Gračanica („Službeni glasnik Općine Gračanica“, broj: 06/14 i 7/18 i „Službeni glasnik Grada Gračanica“, broj: 03/20 i 01/21), propisano je da Gradsko vijeće u okviru svoje nadležnosti Zaključkom zauzima stavove i izražava mišljenja o pitanjima o kojima je raspravljalo, daje saglasnost ili potvrđuje pojedine akte kada je to propisom određeno.

### Razlog za donošenje Odluke

Ministarstvo privrede Tuzlanskog kantona je Gradu Gračanica dostavilo Zahtjev za kandidovanje projekata u Program javnih investicija Tuzlanskog kantona 2025.-2027. Od 14.03.2024. godine i Zahtjev za popunjavanje IP obrazaca Federalnog Ministarstva finansija od 31.01.2024. godine.

Međutim, Vlada Federacije Bosne i Hercegovine je 28. sjednici, održanoj 27.02.2024. godine donijela Uredbu o izmjenama i dopunama Uredbe o načinu i kriterijima za pripremu, izradu i praćenje realizacije Programa javnih investicija što je objavljeno „Službenim novinama Federacije BiH“, broj: 17/2024 06.03.2024. godine kojom je između ostalog propisano da je neophodno da:

- Gradsko vijeće odluči koji projekti se kandiduju u Program javnih investicija Federacije BiH i da se akt priloži uz zahtijevanu dokumentaciju.
- njihova ukupna vrijednost veća od 2.000.000,00 KM,
- planirani izvori finansiranja projekta osiguravaju se putem Federacije ili je planirano sufinansiranje projekta iz Budžeta Federacije Bosne i Hercegovine, a isto ne prelazi 50% ukupne vrijednosti projekta.

da bi projekti bili kandidovani i uzeti u razmatranje za uvrštavanje u Program javnih investicija Federacije Bosne i Hercegovine.

OBRAĐIVAČ

Služba za poduzetništvo, lokalni razvoj i finansije